山庫全幸

史部

欽定四庫

全書史部

編修臣程嘉謨覆勘

校對官中書臣王奏憲

謄錄舉人臣張

謄録貢生臣李幽圖

覆校官中書臣孫布旦

詳校官內問學士臣楊保

飲定日車全書 -經籍考六 範國初與胡且何士宗齊名中興國三年進士第 别集 日宋朝田錫 文獻通考 聖其先京兆人唐末徙於 貴 著

陳 清叟議諡曰獻異今漢嘉田氏子孫不知在亡而 端 孫 歴 之直臣宜褒表之以示勘 ソス 大夫范仲淹司馬光讀其書皆稱其直諒蘇軾 比賈誼 無 拱 氏曰首卷有奏議十二篇即東坡所序錫之子 相臺桐盧淮陽海陵四郡守知制語終於諫議 咸平之舊紀 顯者端平初游 云 元而 侶為成都漕奏言朝廷方 臣之部内乃有端 願 下有司議諡博士 拱咸 徐 平 亦 用

次足习事在多 主明主有絕人之資而治世無可畏之防夫有絕 憂近在朝夕者何哉古之君子必憂治世而危 以 序曰嗚呼田公古之遺直也其盡言不諱益自敵 下大治干載一時矣而田公之言常若有不測 文集版之在州者亦燬於兵燼矣東坡蘇氏奏議 二宗之聖也自太平與國以來至於咸平可 下受之有不能堪者而况於人主乎吾是以知 之資必輕其臣無可畏之防必易其民此君子 文獻通考 謂 明 2

シャノモ 於時雖 痛 室以安今公之言十未用五六也安知來世不有 文帝未及用歷孝景至武帝而主父偃舉行之漢 骓 此 誼之言曰天下有可長太息者有可流涕者有可 觀之君子之遇治世而事明主法當 哭者後世不以是少漢文亦不以是甚賈誼 所甚懼也方漢文時刑措 不 遇而其所言畧已施行不幸早世功烈不著 誼嘗建言使諸侯王子孫各以次受分地 卷二 モニナ 匹 不用兵革不試而 如是也 賈 誼 由

欠でりられる 電文元公道院别集十五卷 智餘書三卷 電氏曰五世祖文元公也諱迎字明遠澶州人自 者此 士 父住徒家彭門幼從王禹傅學太平與國五年進 至道末擢右正言直史館知制 加口 偃者舉而行之數願廣其書於世必有與公合 承青者禮優厚天禧中祈解近職 亦忠臣孝子之志也 的德新編三卷 文獻通考 法藏碎金錄十卷 理 樞一卷 判西京留 耄

くりとた 篤 吉 長者楊億謂其所作書命得代言之體李獻臣 年八十四文元益也國史云公樂易淳固守道甚 司 栺 御 數之說疑文滯義須質正後已文章典 服膺墳曲者年不倦少遇異人指導心要不喜 雖貴勢無所推屈當言歷官臨事未當挾情 以售進保全護固如免髮膚之傷真宗數稱 正時輩 الما الله 史基居六年請老以太子少保致仕終少傅 推重自唐以來世掌語命者唯 卷二百 三十四 膽書 楊於陵 害 亦 法

電文元道院集要三卷 池卷中 後序自經兵亂六世圖書焚棄無习遺法藏碎金 晏元獻李邯鄲皆世顯人集皆自有序及李遵弱 智餘書則得之於眉山程敦厚理樞 於丹枝李素道院集要則得之於知 世傳最廣先得之於趙郡無符昭德新編則得 及見其子電氏繼之延譽後進其門人如宋宣獻 とは、主ち 閬 則得之於澠 州王輔 耄 Z

致定四庫全書-電氏曰宋朝王古編其序云文元電公博觀內 雲龕李氏書後曰鼂公道院集要觀之始則簡 别 不徒力行復勤於撰述以開導後學其書曰道院 清遠 元 曰 耄智餘書余嘗徧閱之以為名理之妙雖白樂 集曰自擇增修百法曰法藏碎金曰隨因紀 祐中侍從 不迨也輒 如聞超世特立之士希微之言反復數十 刑去重複總集精粹以便觀覧云古 卷二百三十四 書 述 暢

楊文公刀筆十卷 童 電氏曰宋朝楊億字大年建州人祖文逸嘗夢 羽 有道君子莫能為也 乃知深入理窟開導後學直而不迁簡而易行非 淳化中奏二京賦命武禁林賜進士第久之直 得對面試詩賦授秘書省正字幸臣等賀得神 瑜月始隨雅熙初以才名聞年幾十一召至闕 人自稱懷玉山人覺而億生白毛被體其長盈 之対直方

動定四庫 病愈 滞 擢 集 明 JE, 白 不 樂道人善後進翕然宗之然 博聞 待 賢院修永熙實錄獨 麥 纫 知 全書 扔 報 起知 制 並 老不 歸 疾惡之 誥入 强 詚 汝 省俄自以 離 州 翰 於歷代典章制度尤 復為學士卒年四十七天 故屢被讒毀真宗愛其材 翰墨為文敏速對客談袋 林為學士 卷二百三十四 疾丐 成五十六卷真宗即 解官以 祥 符 評品人 中 太常少 所 母病陽 該 物 洽時 黑白太 翟 揮毫 性 卿 多 頳 謁 位 分 可 累 取 無 告 悟

傳 集者億初入翰苑當景德丙年明年條次十年 等集及內外 陳 揂 集 親 僅免馬景祐中王晦叔上其為寇相請皇太子 有一百四十六卷今所有者惟 氏曰楊文公武夷集二十卷别集十二卷按 所著括落武夷顏陰韓城退居汝陽蓬山 有陳話序凡三百六十三首 政疏草仁宗嘉歎特贈禮部尚書諡曰文刀筆 制刀筆共一百九十四卷館 此 而已武夷 閣 書 冠 螯、 新 Đ 本

次定四重之言文献通考

骨耳 筆而序之别集者祥符五年避讒佯狂 嘗內宴優人有為義山者衣服敗裂告人曰吾為 宗李義山號西崑體後進效之多竊取義山詩句 古今詩話楊大年錢文僖晏元獻劉子儀為詩皆 東齊記事夏英公言楊文公文如錦繡屏風但無 其弟倚酬答倚亦景德中進士 肵 作也君可思賦居其首亦見本傳餘書疏皆作 卷二百 歸陽翟

欠記司車小村 种 明逸集六卷 為 作 編 采聳動天下至今使人傾想世謂公尤惡楊 狻 諸館職婦擔至此聞者大處然大年咏漢武詩 力通青海求龍種死諱文成食馬肝待部先生 村 偶儷者其詩之精工律切者自不可廢 而其言如此豈公特惡其碑 貝忍令乞米向長安義山不能過也 劉氏曰歐陽公答蔡 文獻通考 君談詩云先朝楊 版奏疏磔裂古 Ł 歟 劉 劉 齒 之 文 云 風

をりした 給事 宗 其 朝 **最氏曰宋朝** 屬 妶 谷咸平中遣使台赴 議十三篇以 猻 有所放奏時無知 文不喜釋氏常裂佛書以製惟 知 ノンにも 京 中祥符八年終工部 説 肵 兆嘗條上其不法 編 种放 范異為之序卷首載真宗詔書 示 字明逸長安人隱終南之豹 卷二 輔 臣晚 者楊億譏 闕授左司諫累遷諫議 ō. ニナ 侍郎 年 謟 四 問 頗 嗜 其循點真宗 放 状 Ü 帳 酒 不娶無子集 著嗣禹 盛 經 史上歲 輿 服 乃 説 大夫 及 £ 桕 在 能 林 嗣 乃 出

張穆之觸鮮集 御 尚 陳 凡二卷館閣書目 製詩十首 乎直該多聞 公之曾孫大方出公遺稿曰 書郎 史時 氏曰淳化中有李介者序於九江名江 所 知 蔡州 上疏 之益 議 張肅移之撰濟北鼂无各序晷曰 一如藥石 别 而 觸鱗 有正集十卷云大畧 如 所 米穀 自 觸 名也三復 辦集益公為 非 無 用 與 南 彌 而 設 月 大 此 110 凛 集 同 者 宗

欽定匹库全書 張乖 詩 崖集十卷 凿 其 鼂 畏公以為 及 其多至數十章皆切當世之務不可盡舉至其他 國 相 文皆清麗有唐中葉以來才士之風 쌋비 氏曰宋朝 與 初 名世士以直諫斤久而召 文物始復武夫粗 切磋學問見於 不可及則公之為人可知矣 張詠字復之濮州人太平與國中 支篇 三十四 酬唱者翰林王黄 鄙 田 上於流輩 里 朴 陋者之作也 ЭE 少 岩五 許 州 元 可 季 獨 Z

劉 中山刀筆二卷 **電氏曰宋朝劉筠字子儀大名人咸平元年進士** 增廣并語錄為十二卷 陳氏曰近時 墓誌李畋所纂語録附於後 三遷右正言直史館以司諫知 七十為文尚氣不可雕 累耀至樞密直學士御史中丞禮部尚書卒年 郭森卿宰崇陽刻此集舊本十卷今 淝川集四卷 しは見号 節自號乖崖公錢易所 制 誥 出 知 鄧 陳 撰 兩

一 一 年全書 陳 問 幾進户部龍圖 為學士月餘以疾 揣 名 又命草制復留丁謂筠不奉部遂出知 州召入翰林為學士當草丁謂李迪罷相 六氏 情状音調凄麗自景德以來 號為楊劉天下宗之刀筆集有黃鑑序 閎 博文章以 曰刀筆皆四六應用之文筠與楊大年同時 閣學士再知廬州為人不尚合學 理為宗辭尚級密尤工篇詠 卷二百三十四 知 類州 三名入翰林 與 楊億以文章 廬 カロ 承音未 制 州 能 再 既 侔 名 而

次定四軍全替 擁 滑稽集四卷 旄集五卷 陳 淳化癸已自序 陳氏日翰林學士吳越錢易希白撰多調諷之辭 子惟演俶之子也惟演文集甚多此特其二集 十二卷表奏六卷淝川集四卷見館閣書目 號 氏曰樞密使思公吳越錢惟演希聖撰易信 楊劉詩號西崑體有冊府應言集十卷祭遇集 伊川集三卷 文獻通考 耳

きりし 陳文惠公愚邱集 章事後以太子太師致仕年八十二卒號知 諡 洛 累遷三司副使修永定實錄擢知制點歷部盧壽 陳 調清警傷永集皆自有序 出鎮河陽河南時所作也全集未見 并同雅鄭八州景德四年召拜同中書門下平 文惠堯佐屬解尚古不牽世用喜為二韻詩詞 氏曰宋朝陳堯佐字希元間州人端拱初進 卷二百 餘子 士

曾致堯文集十卷 藏於家方五代之際儒學既續後生小子治術業 於問卷又多淺近是時公雖少所學已皆知治亂得 贈諫議大夫曾致堯撰南豐之祖也南豐作集序 世今類次詩賦書奏一百二十三篇又自為十 紀三卷四聲韻五卷總一百七十八卷皆刊行於 曰公所為書號仙鳥羽翼者三十卷西陈要紀 卷清邊前要五十卷廣中台志八十卷為臣 者

RINDE LIAMED

文獻通考

金牙にた 時 未久治至其難言則人 官執事之人觀望懷姦不稱天子屬任之心 **必本天子憂憐百姓勞心萬事之意而** 得 次樂府已下是也宋既平天下公始 而 失其在 (興壞之理其為文閱深馬美而長於 出而所言益切不以利害禍 太祖 11 - 11 E 大宗已綱 朝廷疾當事者不忠故凡言天下之 紀 卷 二百 大法矣公於是勇言當世 有 三十 所 四 不敢言者雖屢 福 動其意也公所 出 推大臣 仕當 諷 諭 今 故 不 此。 合 從 之 治 要 2 類

たこう ラー人Interior 見釋先生集十卷 其 卿 頹 或否而後常可思者與歷官行事廬陵歐陽修已 而道将散矣士慕透而忽近貴華而賤實吾已見 銘公之好特詳馬此故 言甚衆其在上前及書亡者益不得而集其或從 北矣以魯人見釋先生之詩文十餘篇示軾 士大夫遊歸以語載曰自今以往文章其日 太初淳之撰東坡序署曰昔吾先君適京師 W 文獻通考 不論 論其不盡載者 <u>+</u> 日 與

金少世后 鑿鑿乎 為 鄙 者世莫之貴也軾是以悲於孔子之言而懷先君 以 之詩文皆有為而作精悍確苦言必中當世之過 小子識之後十餘年天下無復為斯文者也先生 言馬其後二十餘年先君既沒而其言存士之 伐病其遊談以為高校詞以為觀美者先生無 恆漢唐而其反復論難正言不諱如先生之文 文者莫不超然出於形器之表微言高論既以 たり 如五穀必可以療饑斷斷乎如藥石必 卷二百 ニナ 可

次定四車全書 瀧之 章句必求其理而已矣既得其理不徒誦之以誇 司馬温公序界日太初常以為讀先王之書不治 家政理風俗之得失為詩歌泊文以宣暢之景祐 莊於人必也恐而行之在其身與鄉黨無餘於其 初青州牧有荒淫放蕩為事慕嵇康阮籍之為 1遺訓益求先生之文而得之於其子復乃録而 則不光不光先王之道猶翳如也廼求天下國 文獻通考

9.

當時四 詩 屬 詩 弱 以成 重之故所棄居多余止得其两卷在同州又得其 又其文多指 令之清直與已異者誣以罪 牧亦坐是廢於時世人見太初官職 不 以 能自 刺 風 太初 方士大夫樂其無名教之拘翕然效之 之遂上聞天子亟治牧罪又 訴 許 惡其為大亂 太初素與令善憐其冤死作哭友 有疵 病者所惡聞雖得其文不 風俗之本作東 搒 掠 有耶 死獄 不 能 中妻子 州 州 動 牧 逐 甚 寝 黨 怒

李仲方集二十卷 民士編一十九卷 電氏曰宋朝李維字仲方雅照二年進士景德中 電氏曰宋朝陳充撰充成都人雍熙中擢甲科 維 知 所為題名記今集而序之 八生詩酒足則尚何營哉 制語遷中書舍人為翰林學士承古年七十 以文學進至老手不釋卷能詩嗜酒嘗謂 と決動等 仕 日

一欽定匹庫全書 孫漢公集三十卷 善惡無餘論為害教著書反之國史稱馬令集載 贍 其 者益其未仕已仕前後所著文也當以 至 **電氏曰宋朝孫何字漢公蔡州人淳化三年應進** 性 八論兩篇 刑部即中知祥符六年貢舉卒年七十詞學 殿省俱中第一四遷起居舍人知制語性下急 職達喜談謔澹於榮 卷二百三十四 利自 號中庸子民士云 唐牛 僧 典 孺

丁晉公集四卷 乾興中坐擅改永定陵貶崖州司戶更赦徒道州 電氏曰宋朝丁謂字公言初字謂之無州人淳化 嘗任京西東两浙轉運使副頗事苛察幼篤學嗜 古為文宗經與丁謂同為王元之所稱時謂之孫 四年拜平章事俄以户部罷未幾復相封晉國公 三年進士官累遷知制誥出知軍亳界三州天禧 丁集有丁謂序 文战通号 十五二

金定四库全書 鮮 相 馬多喜圖畫博弈音律吳人自陸宣公後至 有餘議遂定當時所奏祥瑞事皆謂及王欽若 王安石用事頗稱其賢智云集皆詩也 其傳大中祥符初上欲封禅未堅决 輒 本 道末以松書監召還卒於光州幼 詚 朝熙軍以前議者莫不指謂為姦邪之首 不忘善為古文章尤工詩什 卷二百三十 四 儉巧 謂因言大計 聰 敏書經 險 詖 謂 世 自 鮮 始 預 目

欠已日草二言 晏元獻臨川集三十卷 **電氏曰宋朝晏殊字同叔臨川人景德二年張** 詩云漢殿無人薦楊子滿朝空誦揠愁詞後與宗 **最氏曰宋朝鮮于懷字伯主関中人文章為一時** 白薦得召賜同進士出身再試文雅秘書正字為 跨同年第四人登科趙普判秦州辟為觀察推官 之冠累舉不第當作揠愁詞時人稱之李宗諤贈 文獻通考 紫微集一卷 ナ六 知

金りした 於詩 侍 陳 有两本一本自作 文忠皆出其門女適富鄭公楊察世稱 平章事四年坐事罷知頼 白差次起儒館至學士為臨川集三十卷起樞庭 經席卒性 王府記室累雅 氏曰其五世孫大正為年譜一卷言先元獻嘗 المالة المالة 抒情寓物解多曠達當世賢士如范文正 剛峻幼孙篤學為文温純 知制 序 語翰林學士實元三年 州歷陳許雍終以 應用 其知 人集 尤長 疾 歐 歸

范文正公集二十卷 尤以傳道為任事母至孝姑無之范皆疎屬置義 明經術政暴古人事業慨然有康濟之志作文章 **最氏曰宋朝范仲淹字希文其先邠人大中祥符** 臨 百四十卷中與書目亦九十四卷今所刊止此爾 至宰席為二府集二十五卷今按本傳有文集 年進士仕至樞密副使參知政事諡文正為學 川集有自序 别集四卷

欠已ヨラへ言

文獻通考

ナと

金牙也是人 陳氏曰祥符八年進士曰朱説者即公也幼孙從其 定 登 莊 漢 東 卷其家所傳在正集之外 母適朱氏其為究州推官始復姓更名又尺續五 中論 坡口 於畝站中 門為耻獨 とく 賙給之天下想聞其風采賢士大夫以 劉 伊尹太公管仲樂毅之流其王霸之器 項短長畫取三秦如指諸掌及佐帝定 非 梅克臣當著碧雲騢以機誠之云 仕而後學者也准陰侯見萬帝 卷二百 ニーナ 四 不獲 占 於

てこりらしたら 與先主策曹操孫權規取劉璋因蜀之資以爭天 傳誦至用為将帥為執政考其平生所為無出此 憂天下致太平之意故為萬言書以遺宰相天下 倖其或成者哉公在天聖中居太夫人愛則已有 天下漢中之言無一不酬者諸葛孔明即草廬 書者今其集二十卷為詩賦二百六十八為文一 下終身不易其言此豈口授耳傳嘗武為之而僥 百六十五其於仁義禮樂忠信孝弟盖如餓渴之 文獻通考

多安屯馬 三 李復古集一百卷 **電氏日宋朝李迪復古濮州人少從** 歸 克 必有言非有言也徳之發於口者也又曰我 其天性有不得不然者雖弄翰戲語率然而 於 開嘗謂其門人張景高弁曰此公輔器也景祐 祭 於 飲食欲須更忘而不可得如火之熱水之濕 此 則受福非能戦也德之見於怒者也 故天下信其誠爭師尊之孔子曰有德 卷二百 三十 W) 柳開學為古 戦 作 者 葢 則 必

欠三日奉人書 孫文懿集三十卷 姚 鉉文集二十卷 鼂氏曰宋朝 鼂氏曰宋朝 累遷知制語翰林學士承古後祭知政事諡文懿 職書貯以樓蜀人號書樓孫家天聖中進士甲科 初應進士擢居第 下平章事後致仕諡文定 孫抃字夢得眉山人六世祖長孺喜 姚鉉字實臣廬州合肥人中進士甲 文獻通考 累遷翰林學士拜同中書門 九

きりした 夏文莊集一百卷 特 **最氏曰宋朝夏竦字子喬江州徳安人以父死事** 中以危法除其名卒年五十三 補官舉賢良除光禄丞累擢 两 之為言者所攻而寢 文辭敏麗淳化中直史館應制賦賞花釣魚詩 浙 被嘉賞翌日命中使就第賜白金褒獎之累遷 -轉運使趁傷爽尚氣薛 卷二页 初封英國公後改封郭臨文 匹 映知 知 制語仁宗屢欲 杭 州 與之不 協 相

ここういん したう 吕文靖武卷一卷 流 歷之書無所不通善為文章尤長偶儷之語 莊貴顯凡四十年天資好學自經史百氏陰陽律 陳氏曰竦父死王事身中賢科又為文群復多材 大典策屢以屬之為詩巧麗皆山勢蜂腰斷溪流 尾分之類其集夏伯孫編次有宋次道序 而 反目陰惡彰播皆可為世戒也 不自爱至甘心姦邪聲伎之盛冠於承平夫 之武通考 朝

金 口屋,全書 陳 論者當是何晏論語也其所問各十條皆非深義 有家状大畧與今同其所習曰春秋何論大義 平二年壽州 逐條所答繞數句或止一言或直稱未審考官二 孰 花書其上并批通不又禮行於郊 氏口丞相 見 優論其所習又稱雜文時務策則不復存此 國 初場屋事體文法簡寬士習純茂得 應舉此其程文也真本藏范太史氏前 許國文靖公壽春日夷簡坦夫撰咸 卷二百三十四 賦建侯置守 何 可

宋元憲集四十四卷一作提中 ス・ファー 宋景文集一百五十卷 **電氏曰宋朝宋庠字公序開封雍邱人天聖中擢** 盛後世反不能及文盛則實衰世變益可親矣 復為框密使封莒國公以司空致仕初 進士第一入翰林為學士皇祐元年拜相嘉祐中 庠 子孫不得以其文集流傳 御史言其姓符國號名應郊天乃改今名遺命 しは見き 名郊字伯

|金戶四庫全書 為第十當是時兄弟俱以 **電氏曰宋朝宋祁字子京與其兄郊同舉進士奏** 奇嶮或難句世以為知言集有出麾小集西州 累遷知制語除翰林學士承肯以文章擅名一時 名第一章獻以為弟不可先兄乃擢郊第一而以祁 稿 小學故其文多奇字蘇子膽常謂其淵源皆有考 終不至大用衆頗惜之張方平為之請諡景文通 之類合併而為 卷二百三十四 詞賦妙天下號大小宗

蘧瑗年五十知四十九年非余年六十始知 苦益亦有自軟 好大語故景文為文謹嚴至修唐書其言艱其思 為學於永陽僧舍或問曰君好讀何書答曰余最 必欲燒棄梅竟臣喜曰公之文進矣景文未第時 九年非其無幾至於道乎每見舊所作文章憎 所撰唐書列傳不稱良史景文筆記余於為文似 陳氏曰景文清約莊重不逮其兄以此不至公輔 五十

欽定四庫全書

文獻通考

龎 相 遠之趣固非庸淺所可及至於用事精當偶對 機 景仁所為清風集叙言之詳矣公性喜詩雖 國清風集十卷 謁禁走手啟參候公猶録詩十餘篇相示手注其 ンス 切 丞 錐 怡神養志及逢時值事一萬之於詩其高深 務之繁邊庭軍旅之急未當一日置不為凡 相麗籍撰司馬温公序署曰公之熟業治行范 古人能者殆無以過及疾函光時為諫官有 相 的 所 閎 府

次定四車全書 田 公金巖集两卷 電氏曰皇朝田况字元均嘗登學究進士賢良科 終尚書左丞嘗知成都聽斷之明以比 風集略刻版摹之命光繼叙其事 能 其文為五十卷既而以文字之多懼世人傳者不 **慘淡難識後數日而薨曏者嗣子某字懋賢已集** 後日欲令吾弟知老夫病中尚有此意思耳字已 廣也又選詩之尤善者凡千篇為十卷命曰清 文獻通考 張 乖 崖

楊樂道集二十卷 何聖從廬江文集二十卷 章簡重淳淡有孟東野之風其仕臺諫時知 龍 言頗有直聲解于子駁志其墓集有李邦直序 漢梓永與河南四帥守天資好學殆廢寢食為詩 諫官擢天章閣待制熙寧中以尚書右丞致仕 鼂 圗 氏曰宋朝何好字聖從成都人仁廟朝為御 閣學士知諫院楊畋樂道撰王介南序略曰 刀筆 五卷 奏議二十卷 史 歴

2. 17: 富文忠劉子集六卷 安陽集五十卷 **電氏曰宋朝富弼字彦國河南人天聖八年中制** 陳氏曰丞相魏國公忠獻公安陽韓琦稚圭撰 科至和二年召拜同中書門下平章事元豐中卒 生之大節如此所謂善人之好學而能言者也 平易不迫而能自道其意讀其書咏其詩視其平 公所為文莊屬謹潔類其為人而尤好為詩其詞 之就通马 奏議十二卷 安邊策

金坑四庫全書 事王沂公薦士後至将相者多矣而最喜劉縣數 功人或未聞公於褒進司徒則一命而不避公聞 拜 年八十諡文忠其為文章辯而不華質而不俚鼂 事皆世所罕知者又曰公於仁宗時言猶雨露 功平居喜為人道之石介嘗以變契方公矣而嚴 以道為之序其略曰人孰不仰公使非之功上乃 語及北事便變色若不欲聞者至青州救災之 公樞密副使而公力群至和之末請立皇嗣之 卷二百三十四

文路公集四十卷 輯 陳氏日丞相介休文彦博寬夫撰 未盡見兵與以來故家大族多奔走遷移於是公 冊至於章奏議論下及詞賦歌詩問適之辭世猶 石林葉氏序略曰公平生所為文章上自朝廷典 英宗時言猶海潮也神宗時言猶鳳鳴也)集藏於家者散亡無餘其少子維申稍討求追 猶得二百八十六篇以類 補遺一卷 編次為略集二十卷

多定四库全書 堂上不害其與些母簫部舞百獸而指八音也告 經緯錯出譬之鼓鼓鏞鐘音節疎緩雜然並奏於 嘗有意於為文而因事輕見操筆立成簡質重 區事其語言以一藝自名者未足以論公也公未 足以貫通九流黨論嘉言足以獨成百度世之區 而 鎮 屬某為序噫公之所謂文者遠矣重德偉度及 愈論于頓之文曰變化若雷霆浩瀚若江 服 四夷精識遠慮足以錯綜萬務博聞 卷二百三十四 強識 河 厚

欠こり」らLAIMS 祖來集二十卷 武溪集二十卷 陳氏曰集賢院學士襄公曲江余靖安道撰 **電氏日石介字守道兖州奉符人天聖八年登進** 不在其位則行其言雖獲禍至死不悔其為文章 士第遷直集賢院篤學有大志嘗謂時無不可為 歟 聲諧部獲勁氣沮金石頓何足以當之其公之謂 文獻通考 六

クシラモ 為 陳 所以重介者非緣其文也 翁之言曰老燕之文不能及然世自有公論歐 疎之姦邪猶未著邪陸子通刻於新定述其父放 聖德詩分别邪正專斥夏竦其後守道死竦因 陳 汉 Ŀ 夏竦作介所謂大姦之去如 北走契丹請剖棺驗視云 氏曰集中南京夏尚書故及夫子廟上梁文皆 古今治亂成敗以 た言 二百 指切當時無所忌諱作慶 三十 匹 距 斯 脱者豈當時 公 誣 歴

欠已日号 二十 **瀉浪集十五卷** 所傳歌 其體豪放往往驚人又喜草書酣醉落筆爭為人 蕪川買水石作落浪亭益讀書發其情懣於歌 紙錢會客除名慷慨有大志好古工文章及廢 **電氏曰蘇舜欽字子美易簡之孫杜祁公行之** 也景祐中進士累遷集賢校理監進奏院坐用 竹溪林氏曰石徂徠之文多方少圓却略有典則 文數通考 -肾 居 故

埋 不 歐陽氏序曰斯文金玉也棄鄉埋沒糞土不能銷 子美獨先沒可恨也 陳氏曰子美既廢逐當答韓持國書具見其意趣 已自行於天下雖其怨家仇人及嘗能出力而擠 蝕其見遺於一時必有收而實之於後世者雖 本傳載之歐公序言同時得罪者未幾復顯用 能挤也故方其擴斥推挫流離窮厄之時文章 沒而未出其精氣光怪已能常自發見而 卷二百三十 四 物 其 而 亦

金牙にた

11 11

章 盛於今自古治時少而亂時多幸時治矣文章或 聖宗與天下一定晏然無事又幾百年而古文始 然後元和之文始復於古唐衰兵亂又百餘年 理之盛衰而怪唐太宗致治幾乎三王之盛而文 後世宜何如也公其可無恨予當考前世文章政 之情忽近而貴遠子美屈於今世猶若此其伸 之死者至其文章則不能少毀而揜蔽之也凡人 不能革五代之餘習後百有餘年韓李之徒 文法通考 出 於

對定四庫 全書 酒 賢才者惜也子美之齒少於子而子學古文反在 流 世其可不為之貴重而愛惜之敏嗟吾子美以 非 其後天聖之間子舉進士於有司見時學者務 不能純粹或遲久而不相及何其難之若是數豈 言語聲 涕 食之過至廢為民而流落以死此其可以數息 難得其人熟尚一有其人又幸而及出於治世 而為當世仁人君子之職位宜與國家樂育 偶趟裂號為時文以相誇尚而子美獨與 卷二百三十 . 四

弊下詔書諷勉學者以近古由是其風漸息而學 者稍超古馬獨子美為於舉世不為之時其始終 年四十有一其状貌奇偉望之昂然而即之温温 自守不牽世俗趨舍可謂特立之士也子美官至 頗共非笑之而子美不顧也其後天子患時文之 其兄才翁及穆參軍怕長作為古歌詩雜文時人 大理評事集賢校理而廢後為湖州長史以卒享 久而愈可愛慕其材雖高而人亦不甚嫉忌其擊

欠三日車八十百

文献通考

둧

全テロール 生 有幽花一树明晚泊孤舟古祠下满川 卓午夢覺流鶯時一聲又云春陰垂野草青青時 别 後 如其為人及蟠屈為吳體則 而去之者意不在子美也 色界仙家多住王華宫極工而世惟該其上 村劉氏曰無子美歌行雄放於聖俞軒品不羈 極似章蕪州垂虹亭觀中秋月云佛氏解為 院深深夏簟清石榴開遍透簾明樹陰 と言 卷二百 極平夷安帖絕句 風 滿 雨 地 看 銀 Ð 云 潮

欠日日子山地 梅聖俞宛陵集六十卷 電氏曰梅竟臣字聖俞宛陵人少以陰補吏累舉 進士鄉抑於有司切習為詩出語已驚人既長學 陳氏曰凡五十九卷為詩他文賦總一卷而已 歐陽永叔與之友善其意如韓愈之待郊島云 六經仁義之說其為文章簡古純粹然最樂為詩 金餅彩虹之句何也山蝉帶響穿頭户野蔓蟠青 人破窓亦佳句 文獻通考 外集十卷 謝

金少四月 景 矣不可曉也聖俞為詩古淡深遠有盛名於一時 序謂皆前集所不載今考之首卷諸賦已載前集 何 格 知者道也自世競宗江西已看不入眼况晚唐卑 歐陽氏序略曰聖俞文章簡古純粹不求尚說於 近 世少有喜者或加警毀惟陸務觀重之此可為 有 初所集歐陽公為之序外集者吳郡宋績臣 方錮之時乎杜少陵猶敢竊議妄論其於宛陵 卷二百 Œ 所

薦於上者昔王文康公嘗見而歎曰二百年無此 商周魯頌之作者豈不偉歟奈何使其老不得志 而為窮者之詩乃徒發於蟲魚物 廷 作矣雖知之深亦不果薦也若使其幸得用於 求之聖俞聖俞亦自以其不得志者樂於詩而發 之故其平生所作於詩尤多世既知之矣而未有 世世之人徒知其詩而已然時無賢愚語詩者必 作為雅頌以歌詠大宋之功德薦之清廟而 文獻通考 類羈愁感歎 追 朝

沙足四事全書

シドノモ 其多而易失也取其自洛陽至於吳興以來所 哉 遺 以疾卒 謝 次為十卷子嘗嗜聖俞詩而患不能盡得之處 為一十五卷 言世徒喜其工不知其窮之久而将老也可不 J. 氏之能類次也軟序而藏之其後十五年聖 聖俞詩既多不自收拾其妻之兄子謝景初 稿干餘篇并舊所藏 くせ 於京師余既哭而 掇其尤者六百七十七篇 銘之因索於其家得 俞 其 喜 惜 作 懼

ここういって こいう 覃 又詩話曰子美筆力豪馬以起邁橫絕為奇聖 揀 沛 子美氣尤雄萬竅號一噫有時肆顛狂醉暴灑滂 不 楢 自 譬如千里馬已發不可殺盈前盡珠幾一一 能優劣也余嘗於水谷夜行詩略道其一二云 有餘態近詩九古硬咀嚼苦難聞 後輩文解愈精新心意雖老大有如妖 汰 思精微以深遠開淡為意各極其長雖善論者 梅翁事清切石齒激寒瀬作詩三十年視我 文文通考 又如食椒 韶 女老 難 俞

金定匹尼 劣之也 花殘 漁 在 野鳥眼岸有問意老樹著花無聽枝山行云人家 矢口 真味久愈在無豪以氣樂舉世徒驚駭梅窮我 澒 隱叢話聖前詩工於平淡自成一家如東溪云 古貨令難賣語雖非工謂粗得髮弱然不能優 全書 何處雲外一聲雞春陰云鳩鳴桑葉吐村暗 細味之方見其用意也 杜 鵑云月樹啼方急山房人未 眠似 卷二百三十 四 此等句 杏 獨

7. 17 ... l. L. 惟 後 磬清鷗邁之類宜乎為歐公所稱其他古體如朱 質錐王公大人見之不覺屈膝 張浮体評聖俞詩如深山道人草衣菌站土形 息 弦 許彦周詩話聖俞詩句之精鍊如焚香露蓮泣聞 村 疎越一唱三嘆讀者當以意求之 宛陵為開山祖師宛陵出然後桑濮之哇溫 風 雅 劉氏日歐公詩如昌黎不當以詩論本 2 氣脉復續其功不在歐尹下世之學梅 七代到了 朝 稍 詩

金定四库全書 師魯集二十卷 軰 花霜落熊升樹林空鹿飲溪河漢微分練星辰淡 布螢每令夫結友不為子求即山形無地接寺界 海貨通問市漁歌入縣接白水照前屋清風生 益逐字逐句錄錄而較者決不足為大家數而前 詩者率以為淡集中如對上春田潤蘆中走吏參 波分山風 號大家數者亦未當不留意於句律也 來虎嘯江雨過龍腥之類殊不草草 四 杨

とこりる ときつ 博人有疑不能通為指畫講說皆釋然自得尤長 能得其罪猶貶筠州監酒師魯內剛而外和與 館 電氏曰尹洙字師魯河南人天聖中進士以薦為 於春秋文章自唐末卑弱柳開始為古文天聖初 言必極辯其是非如前世治亂沿革之變靡不該 公事爭城永洛事為董士庶所訟遣御史就鞫不 與穆修大振起之 閣校勘累遷右司諫知渭州魚鎮涇源路經略 文獻通考 三古

金厂口厂 時 墓 陽 言家子弟有其和昌言一絕云千里觀風使節來 廢事故方洛中歐陽文忠公與梅聖俞銳意作詩 石林葉氏曰尹師魯不長於詩亦自以為無益而 夗 (沐與穆伯長同為古文范文正公為作集序歐 獨不作余平生懂見其三五篇而已吳下施昌 死時精明不亂有過人者 公亦稱其文簡而有法以剛直數件時卒以貶 氏曰其父仲宣明經入仕父子皆歐陽 1 THE 卷二百 四 公誌 其

欠了可見 公計 書判一卷 陳氏曰尹洙撰天聖二年進士後以安德軍節 語見子由作公墓碑 謂老泉曰於文得尹師魯孫明復而意猶不足此 去華就實可謂近古而未盡變化之妙所以歐 竹溪林氏日本朝古文自尹穆始倡為之然二公 Ð 百城舒條係行臺威嚴少霽猶知幸誰信芳尊盡 開氣格終自不凡 文獻通考 推

多女正是人門 尹子漸集六卷 居士集一百五十二卷 未有聞 試書判抜萃科中之前十道是程文餘當為擬卷 本朝惟余安道亦中是科集中有判詞二卷文鑑 陳氏曰太常博士知懷州河南尹源子漸撰師魯 亦載一二又有王回判二道而回不以此科進餘 之兄辱彦明其孫也 卷二百三十四 附録四卷 年譜一卷

學不倦尤以獎進天下士為已任延譽慰籍極其 群窮坐貶年六十乞致仕卒諡文忠博極奉書好 事将之奇言其惟箔事連其子婦吳氏部詰之奇 污之下開封府治之無状坐用張氏區中物市 語夏竦以永叔黨於杜韓范富因以外甥張氏事 **電氏曰歐陽修字永权吉州人舉進士累遷知制** 出 力 知 而後已於經術治其大指不求異於諸儒與尹 滁州召入修唐書為翰林學士未幾參知政 町

欠三日日二十五

文獻通考

丟

金月世屋 意為之雖皆在諸公後而獨出其上遂為一代文 雍容似李翺切近適當似陸贄而其才亦似過 珠皆為古學遂為天下宗匠蓋明允以其文詞令 陳氏曰本朝初為古文者柳開穆修其後有二尹 濮 两 宗其集遍行海内而無善本周益公解 · 無兄弟歐公本以詞賦擅名場屋既得韓文刻 邱事議者不以為是 人至其作唐書五代史不愧班 卷二百三十 四 固 劉 向 相 也 印歸用 獨 此 議

集歐公手所定也 東坡縣氏集序略曰自漢以來道術不出於孔氏 屬益公舊客曾三異校正益完善無遺恨矣居 之五百餘年而後得韓愈學者以愈配孟子益庶 而亂天下者多矣晉以老在上梁以佛亡莫或正 所得歐陽氏傳家本乃公之子非叔弼所編次者 而 諸本編校定為此本且為之年譜曰居士集外集 下至於書簡集凡十名刊之家塾其子編又以

欠己コニニー

文獻通考

走

韓愈孟子以達於孔氏者禮樂仁義之實以合於 興七十餘年民不知兵富而教之至天聖景祐 幾馬愈之後三百有餘年而後得歐陽子其學推 レス 大道其言簡 而 無賢不肖 服 不說者譁而攻之能折因其身而不能屈其言 斯文終有愧於古士亦因陋守舊論界而氣 人心故天下翕然師尊之自歐陽子之存世 不謀而 两 明信 老 二百 而通 同日歐陽子今之韓愈也宋 引物連 땬 類折之於至 理 極

次已四草三 嘉祐末號稱多士歐陽子之功為多嗚呼此豈人 習 始為新學以佛老之似亂周孔之實識者憂之賴 異端然後風俗一變考論師友淵源所自復 力也哉非天其孰能使之歐陽子沒十有餘年士 以救時行道為賢以犯顏納諫為忠長育成就至 弱自歐陽子出天下爭自濯磨以通經學古為髙 今天子明聖部修取士法風厲學者專治孔氏點 歐陽子之書余得其詩文七百六十六篇於其 文獻通考 知 誦

分りて 縞 從 安 石 似陸贄記事似司馬遷詩賦似李白此非余言也 E 天下之言也 次今所 旁語口寒甚當早睡 非乃次而論之日歐陽子論大道似韓愈論事 林葉氏日歐陽文忠公晚年取平生所為文自 用再三閱寧畏先生填那公徐笑曰吾正畏先 去取不能决者一夕大寒燭下至夜分薛夫人 13 17 謂居士集者往往一篇至数十過有累 三十 胡不自愛目 力此已所 作

たこりましたます 昔為身累肉食何人與國謀此是兩段大議論 楊曲折發見於七字之中婉麗雄勝字字不失 而學之者往往失於快直傾困倒廪無復餘地 平易疎暢律詩意所到處雖語有不倫亦不復 又日歐公詩始橋崑體專以氣格為主故其詩多 生嗔耳 公詩好處宣專在此如崇徽公主手痕詩玉顔 錐崑體之工者亦未易此意所會處如是乃為 文獻通考 旱九 抑 問 自 然 相

今万日上人 腴 見歐公文意及三蕪文好處只是平易說道理 詞少間却是邊頭帶得說些道理其本意終自 朱子語録韓退之及歐無諸公議論不過是主 山脇 張浮体評歐陽永权詩如春服作成添酒既聽登 不曾使差異底字換却尋常底字歐陽公文字敷 至 温 到 潤 水竟日忘歸 卷二百三十匹 初 於 可

仲 樸翁文集十二卷 者 者以其辭必已出不蹈襲前人而又自然也蹈襲 竹溪林氏曰歐曾老蘓東坡所以絕出於唐以後 抑鬱久伏而不顯者益其不苟屈以合世故世 其 生 尚書屯田員外郎仲 於有宋百年全盛之際儒學文章得用之時宜 シド 馳 剽竊言語但體製相似筆力 聘上下發揮 其所畜振 的撲翁撰歐陽公序略曰君 耀於當世而 相類皆是也 獨 輜 亦

たこの声に言

文獻通考

罕

金只口匠 江 **那幾文集二十卷** 其 伸 莫之知也豈 刑 余又序其集以行 Th 部 有待 行以告於史臨 不茍 於後世而不可揜也君之既沒富春孫華老状 部中修起居注江休復都 屈 於後世者其不在吾三人者 亦 自負其 JE. 知命之君子欺余謂 卷二百三十 於世 ות 所 王介南銘之石以藏 然、 有者謂雖 則 匹 君之不苟屈 幾撰歐陽公序略 抑 君非 於 扔 時必 徒 於 諸 幽而 知 命 時 将

陸子履寫山集十二卷 集賢修撰洛陽陸經子履撰周平國序略曰公與 文詞 歐陽文忠公周旋館閣詩文往復相與至厚惜仕 可喜其文已行於世矣固不待余言而為重輕也 不進晚而朝廷方将用之未及而卒其學問通博 不 鄰幾毅然仁厚君子也雖知名於時仕官久而 偶 雅正深粹而議論多所發明詩光清淡開肆 陷於明黨屢起屢仆晚遇裕陵方衛於用 則

欠三日三人主

文獻通考

于

者得文忠銘其藏序其文姓名經轟炳 履 復興時文忠實與為友其出倅宿州送以詩曰子 生 元珍皆著美名負屈稱與子履大略相似 已老矣余當謂尹師魯蘓子美江鄉幾梅聖俞 疑世路迫军多奔機續毛零洛風霜推十年江湖 人耳目獨公以死後不得與於斯文或者遂謂 既不遇其沒又重不幸也余曰不然公當古文 自少聲名馳落筆文章天下知開 المراجعة المراجعة 卷二正三十 匹 懐吐 耀至今盪 彼五賢 胸 不 公 自

こっていりっといい 此 報 暮年酬唱尤多有怕逢詩敵力難當及敢期佳 余故表而出之云 干首詩又曰一自蕪梅閉九泉始開東頓播新 尚 琅玕之句則是公之生也已為文忠所稱道 何待於身後其垂名不朽亦豈下於五賢哉 之就到多 句 如

文獻通考生		-			分グロ屋台書
文獻通考卷二百三十四			-		卷二百三十四
		 *			 S
	·		•		

欽定四庫全書 2011 經籍考六十二 簡肅公文集四十卷 文獻通考卷二百三十五 集别集 鄱 參知政事薛奎宿藝撰歐陽公序界曰公絳州正 平人自少以文行推於鄉里既舉進士獻其文百 1.1.1 陽 馬 端 文铁工手 臨 貴 與 著

金庆四库全書 劉公是集七十五卷 第一累遷知制語出知永與為人明白俊偉自六 **電氏曰劉敞字原父索州人慶歷中舉進士廷武** 經百氏下至傳記無所不通為文章尤敏瞻好夢 軸於有司由是名動京師平生所為文至八百餘 做古語句度在西掖時嘗食頃草九制各得其體 而勁正蓋發於其志如其為人云 篇何其盛哉公之事業顯矣其為文章氣質純深

傳馬雖然猶之貴文也若夫原性命之統貫誠明 申韓管商慎墨屈原之倫其道未必皆是而其書 偉竒正放肆自若非夫豪傑之士不能至是故自 其文章未佳特博學可稱耳 倫類而獨得使其語言如其心其馳騁極所欲環 胸中之蘊積暢物理之有無合衆美以為已用超 英宗當語及原父韓魏公對以有文學歐陽公曰 公是劉氏文集後序曰古今之文人多矣其能道 1.1.1.3 文默通考

金文正信言書 情深而文明氣盛而化神惟深故能通天下之志 真者嗚呼先生之文優出於前人者在是矣傳曰 也是好古博雅之士所以貴乎學聖人而得其道 賦予雕刻象形的芽天條無有不備是之謂神故 衷也極帝王之治奉事有功雖在於今日可按行 之本考百子之雜博判其真偽雖至於六經可折 古今之士智有所不周文有所不明由其情之蹇 以極萬物之理則文有不明者乎盛如四時煦育

17.... 1.1... 世莫敢抗衛者劉原父雖出其後以博學通經自 石林葉氏曰慶歷後歐陽文忠公以文章擅天下 旅而化 被也嗚呼先生可謂備矣 淺也知其一不知其二善於此不善於彼由其氣 辯風生文忠論春秋多取平易原父每深言經旨 春秋於原父書梁入閣事之類原父即為剖析辭 許文忠亦以是推之作五代史新唐書凡例多問 文忠有不同原父間以謔語酬之文忠久或不能 文尖百多

金庆四年全十五 朱子曰劉才思極多每作文多法古絕相似有幾 失及死弟子私諡公非先生 故貢父次其集藏之不肯出私諡曰公是先生貢 弟母得遽出其文集後百年世好定當有知我者 讀氣平文緩乃自經術中來比之蘇公誠有高古 件文字學禮記春秋說學公穀文勝貢文 劉侍 平復忤韓魏公終不得為翰林學士將死戒其子 父平生亦好諧謔慢侮公卿與荆公素厚坐是相

次定四事全書 劉公非集六十卷 陳氏曰中書舍人劉放貢父撰號公非先生敞兄 竹溪林氏曰劉原父於諸經錯綜貫穿自得於心 內兄王堯臣為編排官引嫌遂得第二仕早貴而 弟俊敏博洽同登慶歷六年進士第敞本首冠以 脫簡皆從原父 不肯下荆公荆公實畏之尚書義更定武成先後 之趣但亦覺詞多理寡苦無甚發明 文獻通考

孫明復睢陽子集十卷 朱子語録曰劉貢父文字工於摹做學公羊儀禮 世稱三劉 祐中始掌外制敞子奉世仲馮亦有名官至執政 不永年才五十放歷州縣二十年晚乃遊館學元 弟子妻之慶歷中范文正公富鄭公言之於朝除 石介以次皆師事之年四十未娶李丞相廸以其

李泰伯退居類稿十二卷 續稿八卷 次已四年全售! 周禮致太平論十卷 後集六卷 陳氏曰太學說書南城李親泰伯撰其自序曰天 古人矣類稿慶歷所録續稿皇祐所録後集則門 将毒我與所為固未足也不然斯亦足以籍手見 安國沮之而寢 國子監直講嘗對通英問說詩上欲以為侍講楊 人傅野編泰伯不喜孟子常語專辯之 文獻通考 常語三卷 £

少微集三十卷 見其時節方與如此老蘇父子自史中戰國策得 今其論皆然文字氣象大段好甚使人愛之亦可 周禮論好如宰相掌人主飲食男女事某意如此 大處起議論首卷潛書民言好如古潛夫論之類 朱子語録曰李泰伯文實得之經中雖淺然皆自 之故皆自小處起議論歐公喜之李不軟帖不為

樂全先生集四十卷 これ」フラーハスカ 洵父子於布衣惡王安石於考試進士之日皆人 陳氏曰參政文定公南都張方平安道撰初舉茂 材異等再舉賢良方正皆中其科識界過人知蘇 為之序 居鑑湖東北去城五里名其山曰少微其集顧臨 陳氏曰職方負外郎會稽齊唐祖之撰齊澣之後 天聖八年進士兩應制科皆為首選以切直報罷

金字匹尼人 東坡蘇氏文集序曰孔北海志大而論高功烈不 孝章都鴻豫書慨然有烈丈夫之風諸葛孔明不 見於世然英偉豪傑之氣自為一時所宗其論盛 徳然頗不為司馬公所喜 見於言語至出師表簡而盡直而不肆大哉言乎 所不能及壽八十五薨於元祐中於當時最為耆 與伊訓說命相表裏非泰漢以來以事君為說者 以文章自名而開物成務之姿綜練名實之意自 卷二百三十五

夕三日三十十二 事君者世遠道散雖忘士仁人或少貶以求用公 然至於臨大事鮮不忘其故失其守者其器小也 任久矣言語非不工也政事文學非不敏且博也 生張公安道其庶幾乎嗚呼士不以天下之重自 所能至也常恨二人之文不見其全今吾樂全先 後言毀譽不動得喪若一真孔子所謂大臣以道 而歸未嘗以言徇物以色假人雖對人主必同而 公為布衣則領然已有公輔之望自少出仕至老 文獻通考

金女工匠人 來記元豐四十餘年所與人主論天下事見於章 求合於士大夫故悅公者寡不悅者衆然至言天 獨以邁往之氣行正大之言用之則行舍之則藏 是非有考於前而成敗有驗於後及其他詩文皆 疏者多矣或用或不用而皆本於禮義合於人情 行乎不得已非斬以文字名世者也然自慶歷以 上不求合於人主故雖貴而不用用而不盡下不 下偉人則必以公為首公盡性知命體乎自然而 卷二百三十五

胡文恭公集七十卷 2.17:17:17 陳氏曰樞密副使文恭公晉陵胡宿武平撰晉陵 歷以來名臣為人主所敬莫如公者 主前論大事他人終日反復不能盡者公必數言 之胡自文恭始大其猶子宗愈仍執政子孫為侍 而决察然成章皆可書而誦也言雖不盡用然慶 孔北海諸葛孔明也昔曾魯公嘗為軾言公在人 清遠雄麗讀者可以想見其為人信乎其有似於 文汉通考

金好四库全書 祭君謨集十七卷 **逼氏曰蔡襄君誤與化人天聖中舉進士在慶歷** 名族 陳氏曰集三十六卷近世始刻於泉州王十朋龜 四諫官選中累遷至翰林學士權三司使當知福 從九卿者以十數紹與世將承公亦其後至今為 **齡為序余當官莆至其居去城三里務子號玉堂** 泉杭三州文章清道粹美工書為宋朝第一 卷二百三十五

鄭毅夫即溪集五十卷 京下同郡晚出欲自附於名閥自稱為族弟本傳 **電氏曰鄭獬字毅夫安州人少俊異為詩賦有聲** 云爾襄孫佃唱名第一京時當國以族孫引嫌降 所撰墓誌石立堂下真蹟及諸公書帖多有存者 第二佃終身恨之 紅者正在其處矮屋欲壓頭猶是當時舊物歐公 廷武第一累遷知制語入翰林學士王安石不悅 一天通号

金克四庫全書 時獅與滕甫俱有場屋聲甫賦首曰大禮必簡園 陳氏曰皇祐五年進士首選坐知開封府不肯用 長語與滕達道少相善並嗜酒落魄無檢操人目 簡立園自然甫聞之大服果居其次云 丘自然自謂人莫能及獅賦但倒一字曰禮大必 按問新法為王安石所惡而出廷武國丘象天賦 之為滕屠鄭沽云 之乘宰相在告除獬知杭州為文有豪氣峭整無 卷二百三十五 欠かりまれるあり 曾子固南豐類稿五十卷 家歐公門下士多為世顯人議者獨以子固為得 原職守為之訓勃者人人不同贍裕雅重自成一 占紙肆書初若不經意及屬草授吏所以本法意 愈以下也晚年始在掖垣屬新官制方除目填委 文標勢奔放雄渾環偉其自負要自劉向藐視韓 卒子固師事歐陽永叔早以文章名天下壯年其 **電氏曰曾翠字子固南豐人元豐中為中書舍人** 文獻通考

全坂上方台電 傳同之及朱公為譜時類稿之外但有別集六卷 為神道碑稱類稿五十卷續四十卷外集十卷本 陳氏曰王震為之序年譜朱熹所輯也按韓持國 其傳猶學浮屠者所謂嫡嗣云 以為散逸者五十卷而别集所傳其什一也開禧 者未知何當則四十卷亦未必合其舊也 而刊之因碑傳之舊定著為四十卷然所謂外集 乙丑建昌守趙汝礪及陳東得於其族孫維者校 卷二百三十五

次足四事 白雪 文獻通考 曾子開曲阜集四十卷 奏議十二卷 西掖集十二 空言只是關鍵緊要處也說得寬緩不分明緣他 内制五十卷 外制三十卷 則又較質而近理東坡則華艷處多 朱子語録曰南豐文字確實他初亦只是學為文 **電氏曰會肇字子開子固之弟也登進士第元祐** 見處不徹本無根本工夫所以如此但比之東坡 却因學文漸見些子道理故文字依傍道理不為

蘇明允嘉祜集十五卷 陳氏曰肇元祐中為西掖元符中再入故别名唐 中為中書舍人元符末再入西掖遂為翰林學士 王山稱之以為得命次相之體 辰外制集肇制語温潤典雅其草兄布拜相制汪 前後歷陳賴宗泰海和金陵真定九郡的守坐兄 口而終封曲阜侯 子宣貶亦以散官汀州安置崇寧末移台州居京

陳氏曰洵初入京師益助張文定薦之歐陽公世 禮百卷書方成而卒治平史臣謂永叔所獻明九 韓魏公尤力張之知洵由簡夫世罕知之雷之書 皆知之而有雷簡夫者為雄州以書薦之張歐及 之文甚美大抵兵謀權利機變之言也 過也以書獻除校書郎與姚子張同編太常因草 **最氏曰蘇洵字明允眉山人至和中歐陽永叔得** 明允書二十二篇大愛其文辭以為賈誼劉向不

次至四重全生司 文献通考

矣乃始復為文盖少或百字多至千言其指事析 南豐曾氏哀詞曰明九始舉進士又舉茂材異等 文亦慨慷偉麗可喜 微小能使之著煩能不亂肆能不流其雄壮俊偉 皆不中歸焚所為文閉户讀書五六年所有既富 朱子語録曰老蘇文雄渾其父子為文自史中戰 若決江河而下也其輝光明白若引星辰而上也 理引物托諭侈能盡之約遠能見之近大能使之

欠日日中 二十二 蘇東坡前集四十卷 内制十卷 外制三卷 **最氏曰蘇軾子瞻洵之長子也軾生十年其母授** 亦實是好 老蘇門只就孟子學作文不理會他道理然其文 看老蘇六經論則是聖人全是以術欺天下 國策得之皆自小處起議論 以書聞古今成敗軟能語其要比冠學通經史屬 文獻通考 後集二十卷 和陶集四卷 應點集十卷 奏議十五卷

臺初子瞻當王安石紛更法度之際見其事不便 聞其名欲以唐故事名入翰林宰相不可知湖州 異人欲以冠多士疑曾子固所為乃宜之第二等 文日數干言嘉祐中歐陽永叔考試禮部進士梅 以表謝上言事者摘其語以為誇遣官建赴御史 後以書謝永叔見之語客曰老夫當避此人放出 聖俞與其事得其論刑賞以示永叔至驚喜以為 頭地又以直言薦之答策入上等英宗在藩邸

アスコンシ とこと 事所為詩縣銘記書校論誤率皆過人晚喜陶淵 明詩和之幾徧為人英辯奇偉於書無所不通所 既責黃州杜門深居馳轉翰墨其文一變平生遇 於常州初好賈誼陸勢書論古今治亂不為空言 其罪誣以訓謗安置惠州徒昌化元符初北還卒 除翰林學士承旨紹聖中坐草青日惠卿制直書 宗薄其過責置黃州温公相哲宗累擢中書舎人 於民則賦詩以諷馬言者從而齊陷欲寡之死神 文獻通考

金好四尾在書 陳氏曰杭蜀本同但杭本無應站集 本朝所未有也立朝知無不為世稱其忠義當自 當處後來到中原見歐公諸人了文字方稍平大 朱子語録東坡文字明快但傷於巧議論有不正 居士世因不呼其名止目之為東坡云 比范滂孔融議者不以為過在黃州日自號東坡 至夷狄莫不知名門下賓客亦皆一世豪傑其盛 作文章才落筆四海已皆傳誦下至問問田里外 卷二百三十五

集十卷 蘇子由蘇城集前集五十卷 **電氏曰蘇轍子由洵之次子也年十九中進士第** 些佛老添得又開熟也 東坡善議論有氣節其文字晚年不衰盖是夾雜 帖實處東坡文只是大勢好不可逐一字去檢點 出學者始日趨於巧坡文雄健有餘只下字有不 抵已前文字却平正亦不會大段巧說自三蘇文 應記集十二卷 足缺通者 後集二十四卷 第三

金舜四庫全書 陳氏曰藥城真定府縣也蘇氏望趙郡藥城元魏 士未幾拜尚書左丞紹聖初責置雷州後北還凡 宣仁臨朝相温公擢中書舍人代子瞻為翰林學 宗不許擢商州推官以兄得罪從坐詢筠州監酒 二十舉直言因所問極言得失策入或欲點之仁 時屬趙郡故云晚居顏濱自號顏濱遺老故集或 居雷循七年居許十六年杜門理舊學於是詩春 秋傳老子解古史書皆成自謂得聖賢遺意

次已可見 · 東坡蘇氏日子由之文實勝僕而世俗不知乃以 朱子語録東坡文字較明白子由文字不甚分晓 為不如其為人深不願人知之其文如其為人故 而或者便謂僕代作此尤可笑是殆見吾善者機 可沒作黃樓賦乃稍自振厲若欲以警發愦愦者 汪洋澹泊有一唱三數之聲而其秀傑之氣終不 文獻通考 十六

金ダビアとき 三蘇年表三卷 陳氏曰右奉議郎孫汝聽撰汝聽當是蜀人叙述 獨立姿態易見然後知務觀於此道真先覺也 平園周氏曰吾友陸務觀當今詩人之冠晃數勘 自城中寄此卷相示快讀數過温雅高妙如佳人 甲申閏月郊居無事天寒踞爐如餓鳩劉子澄忽 予城蘇黃門詩退取蘇城集觀之殊未識其旨趣 卷二百三十五

王介甫臨川集一百三十卷 東坡别集四十六卷 欠己りらいう 應記策論蓋建安本無應記集也 **畧與杭本同蓋杭本當坡公無恙時已行於世矣** 陳氏曰坡之曾孫給事嶠季真刊家集於建安大 為吉州取建安本所遺盡利之而不加考訂中載 麻沙書坊又有大全集兼載志林雜說之類亦雜 以頹濱及小坡之文且間有訛偽勤入者有張某 文獻通考

今天中屋人 軻相上下脱以所覺考字畫奇耦横直深造天地 安石奮平百世之下追堯舜三代通平畫夜陰陽 **卞謂自先王澤竭士習早陋不知道德性命之理** 明年再入相九年罷卒年六十六盆文公其将祭 學士熙寧三年拜中書門下平章事熙寧七年罷 士累除制語神宗在藩邸見其文異之名為翰林 **電氏曰王安石字介甫撫州臨川人慶歷三年進** 不能測而入於神著雜說凡數萬言其言與孟 卷二百三十五

噗孰知其禍之至此哉何其知之明也 使斯人而不用也則吾言為過而斯人有不遇之 守使不至大位則光明俊偉不可瑕疵者老蘇曰 陳氏曰方嘉祐以前名重一世迹其文學論議操 自紹聖以來學術政事敗壞残酷貼禍社稷實出 寧初下之兄京秉政詔配文宣王廟近時議者謂 於安石云 陰陽造化之理者字說包括萬象與易相表裏崇

金定 车全書 王魏公集二十卷 東坡蘇氏曰文字之衰未有如今日者也其源出 黄茅白葦此則王氏之同也 於生物而不同於所生惟荒齊斤鹵之地彌望皆 同已自孔子不能使人同顏淵之仁子路之勇不 於王氏王氏之文未必不善也而患在於好使人 能以相移而王氏欲以其學同天下地之美者同 陳氏曰尚書左丞王安禮和甫撰近時厚之順伯 老二百三十五

王校理集六十卷 世為文思若決河語出驚人一時争誦之其學問 南豐曾氏序界曰平南自少已禁然以材高見於 奪官歸田里亦會惠卿方叛安石故也每復之命 弟意向頗不合尤惡日惠卿卒為所陷坐鄭俠事 陳氏曰祕閣校理王安國平父撰安國雖親安石 其曾孫也 下而卒

欽定四庫全書 文不必工於詩或長於詩不必有文平甫獨無得 典重其詩博而深矣世皆謂平甫之詩宜為樂歌 尤敏而資之以不倦至晚愈篇博覽強記於書無 詩見之故詩尤多也 之其於詩尤自喜其憂喜哀樂感激怨懟之情於 世然其文之可貴人莫得而揜也古今作者或能 薦之郊廟其文宜為典冊施諸朝廷而不得用於 所不通其明於是非得失之理為尤詳其文閱富 **卷二百三十五** かっているのはないから **廣陵集二十卷** 之女弟也守志不嫁一女遺孕嫁吳師禮其子曰 陳氏曰揚州布衣王令逢原撰令少年有盛名王 為之傳吳氏之墓其姪王雲銘之奉使死磁州者 說所謂吳傅朋也令之墓安石銘之後有劉發者 介甫尤重之年二十八而卒其妻吳氏安石夫人 石林葉氏曰王逢原作騷文極工蓋非徒有意言 文獻通考

金安正是石三十 世少有見者 及於是與之交益密逢原早死文字多散落二詞 晚年遂再選一番本朝諸人惟逢原别是一種風 為不覺失聲嘆曰秦漢後乃有斯人邪自以為不 為未極其意又作山中詞寄示王荆公荆公讀中 語當渡揚州江中流慨然有感乃作江上詞既以 後村劉氏曰昔讀廣陵集草草用朱筆點出妙處 調如靈芝慶雲出為祥瑞半山崛強於歐蘇無所 卷二百三十五

王深父文集二十卷 欠足口車人···十三 文献通者 南豐曾氏文集序曰當先王之跡熄六藝殘缺道 因先王之遺文以求其意得之於心行之於已其 縣主簿卒於治平二年年四十三 推讓非茍嘆服後生者 動止語點必考於法度而窮達得喪不易其志也 術衰微天下學者無所折表深甫於是奮然獨起 王回深父福州侯官人舉進士中第為亳州衛真

全与下戶台書 文集二十卷其辭反覆辯達有所開聞其卒蓋將 後之潛心於聖人者將必由是而有得則其於世 學者於既溺可謂道德要言非世之别集而已也 歸於簡也其破去百家傳注推散缺不全之經以 然觀其所可考者豈非孟子所謂名世者數其文 而不幸死矣故其澤不加於天下而其言止於此 教豈小補而已哉嗚呼深父其志方強其徳方進 明聖人之道於千載之後所以振斯文於将墜回

深父之於其細行皆可傳於世也 有片言半簡非大義所存皆附而不去者所以明 固劉原南游其文出歐陽體而尤純淡序事曲折 代亂離死生於矛戟中而文章喪矣國初漸欲修 唐中世韓柳作興之習俗相沿未遽盡草加以五 而意深有味其言哉文章自漢魏以來體益下至 不窮特壮偉不及也至於摘經傳語以為賦詞短 西麓周氏曰王深父學於歐陽公與王介甫曾子

ここう ラーニュラ

文獻通考

金块四层点書 陽公為宗文章高下固自有時哉以吾觀之數君 長矣同時王摩詰孟浩然章蘇州片言隻字皆不 氏以前猶未數也開元天寶之盛李杜之光欲始 亦非偶然者古詩速齊梁浮靡不振唐自陳子昂 子之功誠不可泯沒然其離合盛衰關於世道似 石守道數君子以大手筆倡之流傳於後遂以歐 復古文天聖明道以後歐陽公與穆伯長尹師會 八俗借無李杜詩不得不變也王深父曾子固不

王子直文集 尺不己可言 かたす 王向子直深父之弟南豐文集序曰子直自少日 用未知與曾聲常我何如士之出處固難言也 利能充其言非安石所能及少假不死及安石之 王回始有幽遠遺俗之思異於他人而回不志於 格事君責難愛人抱關諸賦可以熟玩自王安石 水心葉氏曰聞之吕氏讀王深父文序使人長一 遇歐陽公亦豈作落霞孤鶩等語哉 文獻通考

そこととでた ノニーリー 書知其與漢以來名能文者俱列作者之林未知 著文數萬言與其兄弟俱名聞天下可謂點奇拔 晚自以為不足而悔其少作更欲窮探力取極聖 其孰先孰後考其意不當於理者亦少矣然子直 出之才而其文能馳騁上下偉麗可喜者也讀其 而托之文章將與詩書之作者並而文未知其熟 先孰後也然不幸早世故雖有難得之材獨立之 人之指要大行則欲發而見之事業窮居則欲推 卷二百三十五

飲定四車全書 一文獻通考 王容季文集 **蟠屈以就法度可謂有意於文章也** 以為恨也 志而不得及其成就此吾徒與子直之兄深南所 其在堯典述命義和宅上測日晷星候氣揆民緩 王問容季子直之弟南豐文集序曰叙事莫如書 芝願之叢無不香者然子直時有英氣而能力自 西麓周氏曰子直之於深甫猶賴濱之於東坡也

矣其言微故學者所不得不盡心能盡心然後能 後世益備矣曰七者則日月五星曰政者則義和 時觀天以歷象至舜又察之以璣衡聖人之法至 十其於舜典則曰在璩璣王衡以齊七政蓋堯之 治百官授萬民與眾功可謂博矣然其言不過數 急兼靈夷鳥獸其財成輔相備三才萬物之理以 之所治無不在馬其體至大盖一言而盡可謂微 自得之此所以為經而歷千餘年蓋能得之者少

於叙事深父尤深而子直容季蓋能稱其兄者也 亦可謂拔出之材其言庶乎有益者也吾友王氏 叙事使可行於遠者若子夏左邱明司馬選韓愈 之要知德之與若揚子亦足以幾乎此矣其次能 兄弟曰回深父曰向子直曰問容季皆善屬文長 而益遠信也世既衰能言者益少承孔子者孟子 也易詩禮春秋論語皆然其曰測之而益深窮之 而已承孟子者揚子而已揚子之稱孟子曰知言

改定四軍全書 文獻通考

藝之遺言其可樂哉 皆可謂拔出之材令其克壽得就其志則將紹六 磨轉灌養而不止者吾未能量其所至也不幸其 虞孔子之道以求其內言行出處常擇義而動其 自重不馳騁街鬻亦不子子為名日與其兄講唐 能為文章尤長於叙事其所為文出軟驚人為人 又為墓銘曰容季孝弟純篤尤克意學問自少已 志未就其材未試而短命死矣初容季之伯兄回

Party Service 或出於熊或出於越又不可得之一鄉一國也未 按侯官三王之文蓋宗師歐公者也其大家正氣 矣 而不幸報死皆不得至於壽考以盡其材是有命 有同時並出於一家如此之盛若將使之有為也 學士大夫以為此三人者皆世不常有籍令有之 子直亦以文學器識名聞當世容季又所立如此 深甫以道義文章退而家居學者所宗而仲兄向 大獻通考

金ケビをと言言 華陽集一百卷 僅有王深父集總十卷則止有曾序所言之半而 當與曾蘇相上下故南豐推服其文而深悲其早 可惜也 子直容季之文無傳馬亦不能知其卷帙之多少 世然記陳二家書録並不收入四朝國史藝文志 **電氏曰皇朝王珪禹玉其先成都人故號華陽後** 居開封少好學日誦數十言及長博通羣書慶歷 卷二百三十五

欠こつうこう 緣其備首相不能早發大議依違遷延以名讒賊 大政凡為學士者十五年後拜相薨年六十七諡 建明人目為三旨相公元豐末命珪本無異論亦 年廷試第二嘉祐初入翰林至熙寧三年始名 成白珪典内外制十八年集中多大典冊部令 號至寶丹以其好為富貴語也在相位無所 文獻通考